

ZAPISNIK

SA 18. ELEKTRONSKE SJEDNICE

VIJEĆA UNIVERZITETA U SARAJEVU – ELEKTROTEHNIČKI FAKULTET

(Održane dana 21.06.2024. godine, sa početkom u 14:00 sati i periodom izjašnjavanja od 14:00 do 20:00 sati)

Vijeće Univerziteta u Sarajevu – Elektrotehnički fakultet broji 63 člana.

Članovi Vijeća Univerziteta u Sarajevu – Elektrotehnički fakultet su prethodno elektronskom poštom (e-mail) pozvani da se izjasne o dnevnom redu 18. elektronske sjednice, uz koji je dostavljen materijal, prijedlog odluke i stručno mišljenje, kao i obrazac za izjašnjavanje prilagođen dnevnom redu sjednice (sa uputama o načinu glasanja).

Na 18. elektronskoj sjednici Vijeća Univerziteta u Sarajevu – Elektrotehnički fakultet, izjašnjavali su se slijedeći članovi:

Dekan, prof.dr. Jasmin Velagić, prodekan za naučnoistraživački rad prof. dr. Tarik Uzunović, prodekan za opšte i finansijske poslove prof.dr. Senad Huseinbegović, doc.dr. Darijo Raca, prodekan za međunarodnu saradnju, doc.dr. Enio Kaljić, prof.dr. Dženana Đonko, prof.dr. Mirza Batalović, prof.dr. Anel Tanović, v.asst. Lejla Ahmethdožić, prof.dr. Izudin Džafić, prof.dr. Zijad Bajramović, Nejra Alfirević Fočo, prof.dr. Samir Avdaković, prof.dr. Adnan Mujezinović, prof.dr. Dijana Dujak, prof.dr. Mirza Hamza, doc.dr. Mirsad Ćosović, prof.dr. Haris Šupić, prof.dr. Bakir Lačević, prof.dr. Saša Mrdović, prof.dr. Novica Nosović, v.asst. Meliha Altoka, prof.dr. Alen Begović, prof.dr. Senad Smaka, doc.dr. Kenan Šehić, doc.dr. Senka Krivić, prof.dr. Naida Mujić, prof.dr. Pamela Njemčević, doc.dr. Amer Smajkić, Mirza Ćatić, prof.dr. Kemal Hajdarević, prof.dr. Samir Ribić, doc.dr. Nedim Osmić, prof.dr. Emir Sokić, prof.dr. Selma Hanjalić, prof.dr. Željko Jurić, Ahmed Trkić, prof.dr. Miralem Mehić, prof.dr. Almir Salihbegović, v.asst dr. Nedis Dautbašić, i prof.dr. Emir Turajlić.

Dakle, 53 od 63 člana Vijeća Univerziteta u Sarajevu – Elektrotehnički fakultet izjasnilo se po dostavljenom Dnevnom redu, koji je usvojen sa 40 glasova "ZA", i glasi:

DNEVNI RED

1. Zapisnik;

1.1. Usvajanje Zapisnika sa 13. redovne sjednice od 03.06.2024. godine;

2. Organizaciona pitanja

2.1. Usvajanje Odluke o imenovanju članova komisije za prijem i upis studenata u prvu godinu prvog ciklusa studija i prvu godinu stručnog studija Razvoj softvera za studijsku 2024/2025. godinu;

2.2. Usvajanje Odluke o imenovanju članova komisije za provođenje prijemnog ispita za studijsku 2024/2025. godinu;

2.3. Usvajanje Odluke o kriterijima za rangiranje kandidata za upis studenata u prvu godinu prvog ciklusa studija i prvu godinu stručnog studija Razvoj softvera u 2024/2025. studijskoj godini;

2.4. Usvajanje Odluke o vrednovanju rezultata postignutih prilikom polaganja prijemnog ispita;

3. Drugi ciklus studija

3.1. Usvajanje Izvještaja Komisije za ocjenu i odbranu završnog rada studenata drugog ciklusa studija za studente:

- a) Farisa Mušića;
- b) Lejlu Begović;

Tok sjednice:

Ad 1. Zapisnik;

Pod tačkom 1.1. razmatrano je usvajanje Zapisnika sa 13. redovne sjednice od 03.06.2024. godine i isti je usvojen sa 41 glas "ZA".

Ad 2. Organizaciona pitanja

Pod tačkom 2.1 razmatrano je usvajanje Odluke o imenovanju članova komisije za prijem i upis studenata u prvu godinu prvog ciklusa studija i prvu godinu stručnog studija Razvoj softvera za studijsku 2024/2025. godinu i Vijeće jednoglasno donosi

ODLUKU

O imenovanju Komisije za prijem i upis studenata

I - Imenuje se Komisija za prijem i upis studenata u prvu godinu prvog ciklusa studija i prvu godinu stručnog studija "Razvoj softvera" i stranih državljana, na Univerzitetu u Sarajevu - Elektrotehnički fakultet, u studijskoj 2024/2025. godini, u sastavu:

- dr. Jasmin Velagić, redovni profesor, predsjednik
- dr. Tarik Uzunović, vanredni profesor, član
- dr. Senad Huseinbegović, vanredni profesor, član
- dr. Darijo Raca, docent, član

II - Zadatak Komisije iz tačke I ove odluke je da po zatvaranju konkursa, u rokovima predviđenim Zakonom o visokom obrazovanju, normativnim aktima Univerziteta u Sarajevu i Univerziteta u Sarajevu - Elektrotehničkog fakulteta, tekstom Konkursa za upis studenata u prvu godinu prvog ciklusa i integriranog studija na Univerzitetu u Sarajevu u studijskoj 2024/2025. godini i Konkursa za upis kandidata u prvu godinu stručnog studija na Univerzitetu u Sarajevu u studijskoj 2024/2025. godini unese putem informacionog sistema eUNSA bodove i rezultate prijemnog ispita za prvi ciklus studija.

III - Odluka stupa na snagu danom donošenja.

Pod tačkom 2.2. razmatrano je usvajanje Odluke Odluke o imenovanju članova komisije za provođenje prijemnog ispita za studijsku 2024/2025. godinu; i Vijeće jednoglasno donosi

ODLUKU

o imenovanju Komisije za provođenje prijemnog ispita

I - Imenuje se Komisija za provođenje prijemnog ispita, u studijskoj 2024/2025. godini, u sastavu:

- dr. Senad Huseinbegović, vanredni profesor, predsjednik
- dr. Naida Mujić, vanredna profesorica, članica
- Lejla Ahmethodžić, viša asistentica, članica,
- Mehmed Brkić, viši asistent, član
- Vedran Karahodžić, viši asistent

- Tarik Pozderac, viši asistent
- Amar Bašić, asistent, član
- Demir Papić, asistent, član.

II - Zadatak Komisije iz tačke I ove odluke je da u rokovima predviđenim Zakonom o visokom obrazovanju:

- osigura tajnost materijala za polaganje prijemnog ispita i druge relevantne dokumentacije,
- u skladu sa normativnim aktima Univerziteta u Sarajevu, Elektrotehničkog fakulteta i uslovima konkursa za prijem i upis studenata u prvu godinu prvog ciklusa studija u studijskoj 2024/2025. godini, organizira provođenje i pregled prijemnog ispita.

III - Odluka stupa na snagu danom donošenja.

Pod tačkom 2.3. razmatrano je usvajanje Odluke o kriterijima za rangiranje kandidata za upis studenata u prvu godinu prvog ciklusa studija i prvu godinu stručnog studija Razvoj softvera u 2024/2025. studijskoj godini i Vijeće sa 38 glasova "ZA" i dva glasa "SUZDRŽAN" od glasanja donosi

O D L U K U

o kriterijima za rangiranje kandidata za upis studenata u prvu godinu prvog ciklusa studija i prvu godinu stručnog studija "Razvoj softvera" na Univerzitet u Sarajevu - Elektrotehničkom fakultetu u studijskoj 2024/2025. godini

I - Ovom odlukom utvrđuju se kriteriji za rangiranje kandidata za upis studenata u prvu godinu prvog ciklusa studija i prvu godinu stručnog studija "Razvoj softvera" na Univerzitet u Sarajevu - Elektrotehničkom fakultetu u studijskoj 2024/2025. godini.

II - Upis kandidata vrši se u skladu sa planom upisa studenata u studijskoj 2024/2025. godini.

Pravo na upis u prvu godinu prvog ciklusa studija ostvaruju kandidati koji su prema ostvarenim ukupnim rezultatima (opći uspjeh, uspjeh iz maternjeg/engleskog jezika, matematike i fizike, rezultat prijemnog ispita, takmičenja), nalaze unutar broja kandidata koji je odobren planom upisa u prvu godinu prvog ciklusa studija u studijskoj 2024/2025. godini.

Pravo na upis u prvu godinu DL studija na studijskom programu "Data Science and Artificial Intelligence" i stručnog studija "Razvoj softvera" ostvaruju kandidati koji su prema ostvarenim ukupnim rezultatima (opći uspjeh, uspjeh iz maternjeg/engleskog jezika, matematike i fizike, takmičenja), nalaze unutar broja kandidata koji je odobren planom upisa u studijskoj 2024/2025. godini.

III - Rangiranje kandidata i prijem studenata u prvu godinu studija vršit će se u zavisnosti od broja bodova koje kandidat osvoji po osnovu:

a) općeg uspjeha

Broj bodova po osnovu općeg uspjeha iznosi maksimalno 40, a utvrđuje se tako što se prosječna ocjena iz svih predmeta u svim razredima, zaokružena na dvije decimale, pomnoži sa 8.

b) uspjeha iz maternjeg/engleskog jezika, matematike i fizike

Broj bodova po osnovu uspjeha iz predmeta maternji/engleski jezik, matematika i fizika vrednuje se sa maksimalno 20 bodova. Ovaj broj izračunava se tako što se najprije za maternji/engleski jezik i matematiku izračunava srednja vrijednost ocjene u sva četiri razreda, a za fiziku u posljednja dva razreda u kojima je kandidat imao fiziku. Ukoliko kandidat nije imao neki od predmeta u nekom od razreda, za taj razred se uzima ocjena 0. Zatim se

izračunava srednja vrijednost ocjene za ova tri predmeta, zaokruži na dvije decimale i pomnoži sa 4.

c) rezultata postignutih na prijemnom ispitu iz matematike

Prijemni ispit vrednuje se sa maksimalno 40 bodova, pri čemu nema praga na broj osvojenih bodova na ovom ispitu. Ispit se polaže putem testa, u ovjerenom duplikatu, od čega jedna kopija ostaje Elektrotehničkom fakultetu, a druga kandidatu.

Ispit ima 20 zadataka, od čega se 5 zadataka boduje sa 3 boda, 10 zadataka sa 2 boda i 5 zadataka sa 1 bodom. Zaokružen tačan odgovor sa potpunim i korektnim postupkom nosi maksimalan broj bodova. Zaokružen tačan odgovor uz nedvosmisleno nepotpun postupak nosi polovicu od maksimalnog broja bodova. Zadatak sa nedvosmisleno nekorektnim postupkom nosi 0 bodova, bez obzira da li je zaokružen tačan odgovor ili ne. Isto vrijedi za zadatak sa zaokruženim netačnim odgovorom, bez obzira na postupak. Negativnih bodova nema. Broj ponuđenih odgovora za svaki zadatak na prijemnom ispitu je pet.

d) rezultata ostvarenih na takmičenjima iz matematike, fizike i informatike

Za jedno od osvojenih mjesta na lokalnim (općinskim, gradskim) takmičenjima učenika srednjih škola, dobija se:

- 2 bodova za osvojeno prvo mjesto;
- 1 bod za osvojeno drugo mjesto;
- 0.5 bodova za osvojeno treće mjesto.

Za jedno od osvojenih mjesta na kantonalnim takmičenjima učenika srednjih škola, dobija se:

- 3 boda za osvojeno prvo mjesto;
- 2 boda za osvojeno drugo mjesto;
- 1 bod za osvojeno treće mjesto.

Za jedno od osvojenih mjesta na takmičenjima učenika srednjih škola na nivou entiteta i Bosne i Hercegovine, dobija se:

- 4 boda za osvojeno prvo mjesto;
- 3 boda za osvojeno drugo mjesto;
- 2 boda za osvojeno treće mjesto.

Za jedno od osvojenih mjesta na međunarodnim takmičenjima učenika srednjih škola, dobija se:

- 5 bodova za osvojeno prvo mjesto;
- 4 boda za osvojeno drugo mjesto;
- 3 boda za osvojeno treće mjesto.

Ukupan broj bodova koje kandidat dobija po osnovu takmičenja formira se na osnovu zbira bodova po svim rezultatima, s tim da se boduju samo takmičenja koja su zvanično organizirana na nivou općine, grada, kantona, entiteta i Bosne i Hercegovine i to samo iz predmeta matematika, fizika i informatika.

IV - Rangiranje kandidata i prijem studenata u prvu godinu DL studija na studijskom programu "Data Science and Artificial Intelligence" i stručnog studija "Razvoj softvera" vršit će se u zavisnosti od broja bodova koje kandidat osvoji po osnovu:

a) općeg uspjeha

Broj bodova po osnovu općeg uspjeha iznosi maksimalno 60, a utvrđuje se tako što se prosječna ocjena iz svih predmeta u svim razredima, zaokružena na dvije decimale, pomnoži sa 12.

b) uspjeha iz maternjeg/engleskog jezika, matematike i fizike

Broj bodova po osnovu uspjeha iz predmeta maternji/engleski jezik, matematika i fizika vrednuje se sa maksimalno 40 bodova. Ovaj broj izračunava se tako što se najprije za

maternji/engleski jezik i matematiku izračunava srednja vrijednost ocjene u sva četiri razreda, a za fiziku u posljednja dva razreda u kojima je kandidat imao fiziku. Ukoliko kandidat nije imao neki od predmeta u nekom od razreda, za taj razred se uzima ocjena 0. Zatim se izračunava srednja vrijednost ocjene za ova tri predmeta, zaokruži na dvije decimale i pomnoži sa 8.

c) rezultata ostvarenih na takmičenjima iz matematike, fizike i informatike

Za jedno od osvojenih mjesta na lokalnim (općinskim, gradskim) takmičenjima učenika srednjih škola, dobija se:

- 2 bodova za osvojeno prvo mjesto;
- 1 bod za osvojeno drugo mjesto;
- 0.5 bodova za osvojeno treće mjesto.

Za jedno od osvojenih mjesta na kantonalnim takmičenjima učenika srednjih škola, dobija se:

- 3 boda za osvojeno prvo mjesto;
- 2 boda za osvojeno drugo mjesto;
- 1 bod za osvojeno treće mjesto.

Za jedno od osvojenih mjesta na takmičenjima učenika srednjih škola na nivou entiteta i Bosne i Hercegovine, dobija se:

- 4 boda za osvojeno prvo mjesto;
- 3 boda za osvojeno drugo mjesto;
- 2 boda za osvojeno treće mjesto.

Za jedno od osvojenih mjesta na međunarodnim takmičenjima učenika srednjih škola, dobija se:

- 5 bodova za osvojeno prvo mjesto;
- 4 boda za osvojeno drugo mjesto;
- 3 boda za osvojeno treće mjesto.

Ukupan broj bodova koje kandidat dobija po osnovu takmičenja formira se na osnovu zbira bodova po svim rezultatima, s tim da se boduju samo takmičenja koja su zvanično organizirana na nivou općine, grada, kantona, entiteta i Bosne i Hercegovine i to samo iz predmeta matematika, fizika i informatika.

V - Za kandidate iz država nastalih raspadom bivše SFRJ za bodovanje ostvarenih rezultata na takmičenjima će se primjenjivati odredbe utvrđene tekstem Konkursa za upis studenata u prvu godinu prvog ciklusa studija na Univerzitetu u Sarajevu, u studijskoj 2024/2025. godini, uz primjenu principa ekvivalencije (lokalno = općinsko, gradsko; kantonalno = županijsko/regionalno, regije unutar države; entitetsko = pokrajinsko i ostalo; državno = državno).

VI - Kandidatima koji su imali odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja, dodjeljuje se 5 (pet) bodova.

VII – Troškove studiranja primljenih kandidata na prvom ciklusu studija, trogodišnji studij, pokriva Budžet Kantona Sarajevo (u daljem tekstu “na budžetu”). Broj slobodnih mjesta po studijskim programima je sljedeći:

- Studijski program “Računarstvo i informatika”: 150 kandidata;
- Studijski program “Automatika i elektronika”: 70 kandidata;
- Studijski program “Elektroenergetika”: 70 kandidata;
- Studijski program “Telekomunikacije”: 70 kandidata;
- Studijski program "Data Science and Artificial Intelligence": 30 kandidata.

Strani studenti na prvom ciklusu studija nisu oslobođeni plaćanja troškova studija, gdje je planiran prijem do 5 studenata na svakom studijskom programu, osim programa "Data Science and Artificial

Intelligence", gdje je planiran upis do 10 studenata.

VIII – Na prvom ciklusu studija studijskog programa "Data Science and Artificial Intelligence", trogodišnji studij, troškove za samofinansirajuće studente i DL studente snose primljeni kandidati. Broj slobodnih mjesta je: 50 kandidata za samofinansirajući studij i 50 kandidata za DL studij.

IX - Studijski program "Razvoj softvera" je stručni studij, u trajanju od dvije godine, koji je komercijalnog karaktera i troškove snose kandidati. Broj slobodnih mjesta na ovom studiju:

– Studijski program "Razvoj softvera" (stručni studij): 60 (samofinansirajući).

X - Prilikom prijave kandidata, kandidati će trebati da se izjasne o studijskom programu koji žele pohađati, zatim o alternativnim studijskim programima koje bi željeli pohađati ukoliko se ne uspiju upisati na željeni studijski program.

XI - Od kandidata koji su pristupili prijemnom ispitu, formira se jedinstvena rang lista sortirana po bodovima. Na osnovu te liste, kandidati se redom raspoređuju na željene studijske programe. Ukoliko se, nakon raspoređivanja, kandidat nalazi na listi ispod planiranog broja upisanih studenata na željenom studijskom programu, tada se on raspoređuje na alternativni izabrani studijski program na kojem ima slobodnih mjesta.

XII - Ostali kriteriji i mjerila za utvrđivanje redoslijeda prijema kandidata za upis u prvu godinu prvog ciklusa studija, biće utvrđeni Konkursom za upis studenata u prvu godinu prvog ciklusa studija i integriranog studija na Univerzitetu u Sarajevu u studijskoj 2024/2025. godini, Konkursom za upis u prvu godinu stručnog studija u studijskoj 2024/2025. godini, pripadajućim odlukom o kriterijima i mjerilima za utvrđivanje redoslijeda prijema kandidata za upis u prvu godinu prvog ciklusa studija I prvu godinu stručnog studija na Univerzitetu u Sarajevu.

XIII - Ova Odluka stupa na snagu danom donošenja.

Pod tačkom 2.4. razmatrano je usvajanje Odluke o vrednovanju rezultata postignutih prilikom polaganja prijemnog ispita i Vijeće sa 38 glasova "ZA" i dva glasa "SUZDRŽAN" od glasanja donosi

ODLUKU

o vrednovanju rezultata postignutih prilikom polaganja prijemnog ispita
za upis u prvu godinu prvog ciklusa studija u studijskoj 2024/2025. godini

I - Usvaja se Odluka o načinu vrednovanja rezultata postignutih prilikom polaganja prijemnog ispita, za upis u prvu godinu prvog ciklusa studija (studijski programi Automatika i elektronika, Energetika, Telekomunikacije, Računarstvo i informatika i Data Science and Artificial Intelligence (redovni – "na budžetu" i samofinansirajući studenti)), u studijskoj 2024/2025. godini.

II - Utvrđuje se način vrednovanja rezultata ostvarenih prilikom polaganja prijemnog ispita za upis u prvu godinu prvog ciklusa studija na Univerzitet u Sarajevu - Elektrotehničkom fakultetu, u studijskoj 2024/2025. godini, kako slijedi:

- a) Prijemni ispit nema praga. Bodovi ostvareni na prijemnom ispitu se pribrajaju bodovima koje je kandidat ostvario po osnovu općeg uspjeha, uspjeha iz maternjeg jezika, matematike i fizike tokom srednjoškolskog obrazovanja, te rezultata ostvarenih na takmičenjima i nagrade. Na osnovu ukupnog broja postignutih bodova, po svim navedenim osnovama, formira se rang lista kandidata.
- b) Na prijemnom ispitu bodovaće se samo zadaci kod kojih je, pored zaokruženog tačnog rezultata, ponuđen i postupak kojim se došlo do tačnog rezultata. Zaokružen tačan odgovor sa potpunim i korektnim postupkom nosi maksimalan broj bodova predviđen za određeni zadatak. Zaokružen tačan odgovor uz nedvosmisleno nepotpun postupak nosi polovicu od maksimalnog broja bodova. Zadatak sa nedvosmisleno nekorektnim postupkom nosi 0 bodova, bez obzira da li je zaokružen

tačan odgovor ili ne. Isto vrijedi za zadatak sa zaokruženim netačnim odgovorom, bez obzira na postupak. Negativnih bodova nema.

III - Odluka stupa na snagu danom donošenja.

Ad 3. Drugi ciklus studija

Pod tačkom 3.1. razmatrano je u svajanje Izvještaja Komisije za ocjenu i odbranu završnog rada studenata drugog ciklusa studija za studente:

a) Farisa Mušića i Vijeće jednoglasno donosi

ODLUKU o usvajanju Izvještaja Komisije za ocjenu i odbranu završnog rada

I - Usvaja se Izvještaj Komisije za ocjenu i odbranu završnog rada studenta drugog ciklusa studija Odsjeka za računarstvo i informatiku, studenta Farisa Mušića pod naslovom: "Forenzika mrežnog saobraćaja".

II - Prihvata se završni rad studenta Farisa Mušića pod naslovom: "Forenzika mrežnog saobraćaja".

III - Služba za nastavu Univerziteta u Sarajevu - Elektrotehničkog fakulteta, u skladu sa Pravilima studiranja za prvi i drugi ciklus studija, integrisani, specijalistički i stručni studij na Univerzitetu u Sarajevu i u dogovoru sa Komisijom za ocjenu i odbranu završnog rada na drugom ciklusu studija, obavijestit će imenovanog studenta o usvajanju Izvještaja Komisije, a datum odbrane završnog rada objavit će se na oglasnoj ploči i internet stranici Univerziteta u Sarajevu – Elektrotehnički fakultet.

IV - Odluka stupa na snagu danom donošenja.

b) Lejle Begović i Vijeće jednoglasno donosi

ODLUKU o usvajanju Izvještaja Komisije za ocjenu i odbranu završnog rada

I - Usvaja se Izvještaj Komisije za ocjenu i odbranu završnog rada studentice drugog ciklusa studija Odsjeka za elektroenergetiku, studentice Lejle Begović pod naslovom: "Fotonaponska elektrana za vlastite potrebe kompanije Tehna d.o.o. Gračanica".

II - Prihvata se završni rad studentice Lejle Begović pod naslovom: "Fotonaponska elektrana za vlastite potrebe kompanije Tehna d.o.o. Gračanica".


III - Služba za nastavu Univerziteta u Sarajevu - Elektrotehničkog fakulteta, u skladu sa Pravilima studiranja za prvi i drugi ciklus studija, integrisani, specijalistički i stručni studij na Univerzitetu u Sarajevu i u dogovoru sa Komisijom za ocjenu i odbranu završnog rada na drugom ciklusu studija, obavijestit će imenovanog studenta o usvajanju Izvještaja Komisije, a datum odbrane završnog rada objavit će se na oglasnoj ploči i internet stranici Univerziteta u Sarajevu – Elektrotehnički fakultet.

IV - Odluka stupa na snagu danom donošenja.

Sjednica je završena u 20:00 sati.

Tablica sa pojedinačnim izjašnjenjima članova Vijeća Univerziteta u Sarajevu – Elektrotehnički fakultet, prilaže se i čuva uz izvornik Zapisnika za 18. elektronske sjednice Vijeća Univerziteta u Sarajevu – Elektrotehnički fakultet.

ZAPISNIČAR
Aida Sarajlić Ovčina



DEKAN
Prof. dr. [redacted] Velagić

[illegible]

[illegible]

